


武陵小史彙編世系圖


叙曰世遠則族繁族繁則四布星羅碁置互有變遷遠近不同烏從統紀且唐宋歷今兵戎迭遣其能保壁經而滙殊源者鮮矣愉家深壑烽燧未經石匣遺編宗支互見雖非全舉有宋具存名之曰彙上萬派為一川注百川為萬澁云爾




存愉識




唐司農卿支

承禎






唐吏部尚書支




唐鎮江節度支



在鎔




十五承事支



五十三世

十七承事支



五十三世

鳳明命

彦恭

彦咸

彦容

道通

克文

小十秀

小七郎

小五郎

大八郎

大七郎

大五秀

大三秀

大二秀

大秀

光郎

庇郎

得郎

壽四

壽三

興郎

福郎

壽七

壽六

壽一

觀郎

興一

通二

仲讓

仲謨

仲權

三郎

劉郎

圭郎

一郎

解元

正一

隆三

隆二

將仕

安三

清

源

五十三世

鳳明德

承事 七一

承事 五一

承事 四四

承事 四十二

小十 學諭

小四 秀

小十四 秀

小九郎

小十二 秀

仲四

仲十

仲七

仲九

仲八

仲三

仲二

仲六

德三 彦庸

德一

萬十 四秀

巽

必昌

願

昇十

勝三

勝一

武陵小史彙編

起隆亮生甫

明裔孫葉野又曇甫全輯

存愉恬如甫

叙曰自宗法廢而通譜合族之義漸滅久矣至若
今之顛倒而莫可解者聯異姓為同堂視一本如
陌路譜學之不講有識者之憂也倘地分而宗合
則脉遠而情親于先王敦睦之教祖宗培植之澤
不猶有存乎作小史彙編

三十世

陳

野王

字希馮烜之子也先名體倫後更名野王野王郡名有馮服孝者漢時為野王郡長人稱為馮野王體倫慕其芳躅因更名野王而字希馮祖子喬父烜並以儒術知名野王幼好學七歲讀五經知大指九歲善屬文嘗著日賦朱异見而奇之年十二隨父之建安撰建安地記及長編觀經史精記默識天文地理著

龜占候蟲篆奇字無所不通初為臨賀王訖室宣城王為揚州刺史野王及瑯琊王褒並為賓客王甚愛其才王于東府起齋令野王畫古賢命褒書贊時稱二絕大同九年仕至黃門侍郎兼太學博士著玉篇成及侯景亂野王以父憂歸本郡召募鄉黨起義兵赴援體素清羸又居喪過毀殆不勝衣及被甲援戈陳君臣之義順逆之理抗辭作色是者無不壯之城陷避居會稽陳天嘉中勅補撰史學士大建中為太子率更令領大著作撰國史知梁史事後為黃門侍

郎光祿卿知五禮事禎明元年卒贈秘書監右衛將
軍野王少以為學至性知名在物無過辭失色觀其
容貌似不能言而勵精力行人所莫及所撰有與地
記三十卷玉篇三十卷符瑞圖十卷分野樞要一卷
續洞冥記一卷玄象表一卷顧氏譜傳十卷文集二
十卷通史要略一百卷國史紀傳二百卷又撰御覽
二百六十卷梁元帝使宮人各念一卷嘗隨駕行內
人謂之著脚御覽晚悟禪理捨宅為光福寺所生五
子周南夏南允南盛南鴻南皆封侯至今寺僧祀公

為伽藍神焉又有宅在吳江縣北門外三里橋者其
著玉篇處也故其地名顧墟又有宅在崇安城中其
倚居處也又有宅在長洲縣橫澤里之南其募兵處
也惟光福山乃其世居山形如圭故又名圭山圭山
之西鄧尉銅井銅坑聚塢諸峯蜿蜒環列子姓咸聚
族而托處為其寺名圓通寺法堂後有墨沼公于此
臨池學書至今黑水不涸寺僧號墨泉其徒曰如墨
皆取于此也萬曆初法堂傾圮瓦石壓于池中惜無
有滋之者無量殿東有一殿甚宏敞中奉野王公像

傷列五侯人莫不虔奉凡有求必禱焉雖盛夏莫敢
裸褻正德中因塔災延焚其殿今存遺址而已其像
既焚故大殿上奉公以金字木主云野王祠一在吳
江縣北門外三里菴側土人稱為顧公廟水旱疾疫
春秋二社禳者紛沓其碣文曰宋建中靖國元年秋
九月知吳江縣事石處道以事至顧墟見古祠陋其
問之顧公廟也及進謁祠下惟繪形于板衣冠不正
尤可駭焉于是撤其腐敝改作基壤立其像勝其位
號春秋祀之按南史公名野王字希馮吳郡人也精

記默識博究載籍天文地理卜筮占候異書奇字莫
不貫通其所撰集並傳于後篤誠至性勵精力行言
無過辭動無失色志逾其貌勇溢于義內孝外忠罔
見其闕當是時中原沒于胡虜而東南繼統不一典
章制度綴緝僅存使後世可考而知焉公之力也惟
顧陸朱張為吳之舊姓其顯人高士有德有功不為
少矣而祀于今者甚寡公之此祠迥立于窮閭之濱
獨以名存而不廢豈偶然哉新廟既成民愈知敬皆
以為不可復沒而無傳也因書其畧且作詩以刻之

庶幾有能歌以祀公者辭曰臺城赫々東南雄累朝
文彩諸賢功公之堂々儒者宗祠學炳々虎與龍幼
則穎悟非常重丹青著蔡靡不通字書淵海藏心胸
廣吞其區及吳淞入竭我孝出盡忠勇奮以義于其
躬黃扉棘寺咸雍容國史邦禮任獨隆論著深博堅
莫攻時立于世衡廬峯寂寥誰可詢靈踪烟靄漠々
江波中一新祠像人益恭衣冠彷彿瞻遺風公惠斯
民年屢豐德祀永々傳無窮

國朝宣德二年邑侯賈忠葺而新之成化八年邑侯

王迪重加修葺景泰元年郡侯朱公勝名致祭祠下祝

文曰惟公居陳國之顯官任黃門之清職製篇韻以

深俾于士教捍潮勢以廣益于農田茲其美功合登

祀典式陳蘋藻鑒此微忱帖給裔孫允昭使為奉祀

祀中有鐵柱即公以之止潮者舊傳吳淞嘗有潮患

公一唱而止至今稱為唱潮大王嘉靖十七年郡侯

王儀刊定祭典每祭編銀二兩九錢二分宋劉嘉謨

待曰博洽傾當世江東孔子儒荒墟訪遺廟老稚徹

名呼一在長洲縣二都一在無錫縣城內一在松江

府一在南京其在吳縣閭門二圖亭字圩者洪武八年裔孫仲能請于

朝而立以教育貧族貧民子弟之義學也崇禎三年利濟寺僧蘊清欲鬻其址毀其廟貌族姓呈聞于撫

臺莊公名祖郡侯史公名應理刑周公名夔之邑侯陳

公名志追復其舊知府史公應選護碣文曰

國朝學校遍天下秦漢以來所未有也吳中為文學之藪先賢若吳泰伯范文正莫不各有義宮以為講習之所如虞庠鄭校一以奉烝嘗一以勸子弟耳距

郡治五里曰金閭舊有義學先賢顧野王祀焉其地與浮屠氏鄰妄意其可以漁而取也輒毀之顧氏子姓及吳之士子咸譁然不平赴愬于余余為之愴然還其基址建而新之今雖新然安知異日不復有毀之若今日者而可以無紀乎余按野王字希馮七歲通五經九歲善屬文十三歲名遍海內事親執禮于苦塊事君奮義于京都且能于五季鋒鏑之間衣冠腥穢之際時隱時見明哲保身修明六經級緝禮樂片言隻字動示楷模偉節恢猷盡可師法唐史云吳

門自有陸機顧野王之徒出而人知尚文信不誣也
安有宮牆固其宜爾至若吳江以著書闡學而有祠
吳淞以唱潮極溺而有祠况郡城乃其邁迹之區募
義之地而委其靈于草莽不以教楹覆其盼蟹上以
宣崇建人文之大指下以續先哲之風聲于將來耶
余之為是舉也亦可以補

國朝立學校餘意顧氏子姓世而守之斯無忝于厥
祖矣時崇禎五年六月也裔孫詹事府錫疇感列侯
之休美思祖德之再新亦撰追復碑記焉昔吳中先

烈捨宅為寺者皆祀于寺中若晉顧彥先捨宅為永
定寺洪武中重建彥先木主在焉彥先居寺中喜宗
人辟疆夜至詩曰子有新歲慶獨此苦寒歸夜叩竹
林寺山行雪滿衣深爐正燃火空齋共掩扉還將一
樽酒無言百事違野王墓在吳縣楞伽山越來溪上
地名下坐落一都二十八圖禍字圩其塚上有喬松
周村唐宋間物也大石橫卧塚上徑可二丈許面平正前
高後低可列坐數十人餘石鱗次櫛比如圍壁如列
屏石下有金鷄每陰雨則呼其雛出遊人追則隱石

中探之無迹塚脉自庚辛而來想亦得金氣之精者
墓上古木人取之立病里中人皆相誡曰寧可赤脚
奔莫惹野王墳公之威靈千古不磨若此宋紹興間
墓銘雖皴剝斷裂尚巍然直立後為吳興人竊載而
去覆沒于湖今無考矣天啟六年豪猾孟塾欲得之
立券日墓屋傾倒若仆存愉同族姓葉墅起隆等呈
聞于郡守冠公名慎邑侯陳公名瑞得保其舊存愉因
出貲廓其外址得四畝九分二釐取石甃其藩樹以
松楸今蔚然矣先是沈水部敬撫其藏而有之至舟

中恍惚見有冕服者來謁即痛楚歸未抵其家殞于
蘇郵之許由是諸奸豪畏不敢犯為讀書堆在松江
府華亭縣九保有岡阜弘曠野王建亭于上以讀書
者故秀州有顧亭湖寶雲寺有神像碑文宋謝枋得
題曰寥々湖上亭不見野王居平林豈舊物歲晚空
扶疎自出聖賢人郡邑皆立墟不朽在名德千秋想
其餘觀此而古賢之慕其風者槩可見矣江淮制置
使苔雪劉仲弘題公像贊曰名通玉藉曳裾金門獻
可替否輸忠策勳遺耀虎頭垂裕麟趾澤潰黎元馨

流青史矧有字書功歷蒼頡鈐轄六經允作儒傑堂
堂遺像湧護風雲凜々生氣雖沒猶存同邑宋莫子
文贊曰偉矣顧公古之英特方幼而奇才異能既長
而精記嘿識其報國也則仗義援都而君臣之分明
其事親也則執喪過毀而父子之倫立著述富矣而
玉篇為經世之書丹青美哉而古賢為名世之筆仕
宦歷登乎顯榮聲譽永垂乎竹帛此所以廟食百世
而不忝東家于吾邑也
三十一世

盛南

字以成野王長子也性伉爽喜擊劍通左氏春秋每
讀書觀覽大義天靖中為南安刺史陳寶作亂閩州
盛南討平之築京觀于莆州之西山表其峯曰將軍
巖以旌武功累官左衛大將軍封安遠侯卒謚曰壯
子一彪

鴻南

字扶九野王次子也陳自吳明徹之敗每慮敵人南
侵大建九年周武帝滅齊耀兵江上舉國震恐鴻南

以侍御史出鎮臨淮行荆徐州刺史事號令嚴明甲
仗整肅敵不敢犯以功進封寧遠侯卒謚曰穆子一
冕

周南

字雅持野王三子也為輔義校尉鎮守吳興禎明二
年隋文帝滅陳賀若弼兵徇浙閩郡縣皆風望款附
周南與弟夏南獨堅守不下城破俱自刎屍逆流至
碭石鎮土人義之收葬于翠微山東至宋建炎顯夢
于高宗封周南為靖遠侯夏南為平西侯建祠于山

之陽并祀五侯相傳顯聰顯明顯正顯直顯德五侯
即此然未能必也繼子一覽

夏南

字欵清野王四子也子修期開皇中為吳令有惠政
時縣西鄉有柿樹合本殊條人稱為瑞徙海鹽

隋

允南

字信符野王五子也身長八尺力能兼人開皇九年
代辛公義為岷州刺史十年江表自平陳以來刑法

踈緩遠近跳梁關西尤甚擅殺官長縣令莫敢禁命
先南討之以功進封征西侯少通經術精毛氏詩傳
師事龍門王通所著有孝經論語疏義大業六年上
疏諫伐高麗五失上不聽八年卒于家葬于西磧山
之陽謚曰襄子二覽覺周南戰歿無嗣以覽為後唐
金紫光祿大夫同知樞密院事西川陳文龍撰公像
贊曰桓桓武臣西夏藩屏威闕虢虎百蠻是畏劍氣
拂雲葵忱貫日勒名鼎彝垂芳竹帛仰覲英姿山斗
在瞻爰纈贊詞垂百千葉

三十二世

彪

字少威盛南子也大業中為國子助教秘書學士所
著古文尚書疏義二十卷遷居餘杭

覽

字昌嗣允南長子繼周南後仕隋為秘書學士無子
以弟覺之子琮為嗣

覺

字昌胤允南次子仕隋為隰城侯唐永徽中累遷起

居郎兼修國史撰太宗實錄二十卷加朝散大夫弘文館學士以論次國史有勞封餘杭縣男又撰武德貞觀兩朝國史八十卷加朝請大夫賜帛五段又撰漢書古今集二十卷終司文郎龍朔三年卒子六琮璞琬其三名失考

晃

字用賓鴻南子也大業六年為司隸大夫義寧元年從李密翟讓等起兵破洛口倉後從秦王世民入關補為晉陽守子二鉉太和

三十三世

唐

璞

字文輝覺之長子也永淳中為河源軍經畧副使子一仲連

琮

字文烈覺之次子也繼覽後武后時為天官侍郎同鳳閣鸞臺平章事長安二年十月卒后曰琮不幸早終雖不舉哀朕以股肱失人特廢視事一日子一少

連

玃

字文英覺之六子也子一僧軍

鉉

字爾調冕之長子也永徽元年為諫議大夫子一奎

太和

字正始冕之次子也子二紀綱紀無考

三十四世

仲連

字奇原璞之子也少有詩名每日限作詩一篇年十七已成二子餘首自為點竄有不愜悉焚之更為精警者以示人人無不稱善長安四年為司徒開元十年為汴州刺史子一况

少連

字夷仲琮之子也代宗時以拔萃科舉進士為薛邕所器擢上第大曆五年試于西京補登封主簿邑有虎孽少連命塞陷阱移文嶽神虎不為害薦為監察御史德宗幸奉天徒步詣謁授水部員外郎翰林學

士再遷中書舍人閱十年以謹密稱貞元十年為吏部侍郎時裴延齡方橫嘗與少連會田鎬第酒酣少連挺笏謂曰段秀實笏擊賊臣今將笏擊奸臣奮且前元友直勸解之改京兆尹政尚寬簡不尚灼灼名先是京畿租賦厚薄不一少連以法均之遷吏部尚書封吳縣男徙兵部東都留守卒年六十三贈右僕射謚曰敬詳見韋夏卿所撰廟廷碑子二師邕師閔今祀于蘓州府學鄉賢祠中從子况為公像贊曰公秉銓衡明燭藻鑑忠孝存心綱常滿擔爵階鳳臺光

僧覃

字深祥琬之子也為尚書僕射卒于官子二道玄道衍

綱

字伯倫太和次子也天寶中為右正言子二朝陽世愚

奎

字文葆鉉之子也永淳中為河源軍經畧副使吐蕃
寇河源大破之遷兵部尚書令子一淦
三十五世

况

字逋翁仲連子也能為歌詩性詆諧嘗為韓滉節度
判官初李泌流放江南與柳渾及况遊吟咏自適會
渾輔政以校書郎徵况泌復繼入遷著作郎求歸于
吳泌卒作詩以諷為法司所劾貶饒州司戶貞元中
結廬茅山菖蒲潭石墨池上自號華陽真逸有文集

二十卷皆散軼今所存者僅古今體二卷而已乾元
二年丙戌葺顧氏譜傳南陽釣鰲野客張祐撰譜序
今已無考梁天監中有宗人思遠隱居鍾離茹芝啖
栢精解形鍊蛻之術逋翁慕其風訪其遺跡有明月
滿山黃葉落春風幾樹碧桃花石碁盤上長生著丹
鼎爐中九轉砂之句年九十四歲貞元十七年辛巳
卒子二非熊夢熊

師邕

字睦之少連長子也拔萃科與父同及第性恬約喜

詩書寡游合長慶五年為侍郎累遷監察御史李劄薦為負外郎翰林學士訓嘗遣宦官田全操等六人按邊郡既行命師邕為詔六道以殺之會訓敗不果師邕因此流崖川至藍田賜死無子

師閔

字仁之少連次子也德宗在奉天父携師閔同奔行在有詔同止翰林院後車駕還授同州叅軍子一如熊

朝陽

字景熙綱之子也開元二十四年登進士第善詞賦喜吟咏其賦昭君怨曰莫將鉛粉匣不用鏡花光一去邊城路何情更画粧影銷胡地月衣盡漢宮香妾死非閔命都緣怨斷腸其風流蘊藉如此常游洛中還吳李頎送之以詩曰寂寞俱不偶裹糧空入秦宦途已可識歸卧包山春舊國指飛鳥滄波愁旅人開洛上水怨別柳花新後無考

道玄

字又玄僧暲長子也母夜坐有流星如電飛入懷中

因生道玄幼有海上黃冠見而驚曰綠腸朱髓蒼腎
青肝自非高上虛皇不得有此工書能詩玄宗雅重
之賜以籙冠龜扇諳黃白術建開元觀以奉三清五
嶽諸神即今之玄妙觀也庭下雨過草中即躍鯽魚
以網索之可得年九十餘自言內外丹成仙去皮日
休以詩哭之曰協晨宮上啟金扉詔使先生坐蛻歸
鶴有一聲應是哭丹無餘粒恐潛飛烟淒玉笥封雲
篆月慘琪花莖羽衣腸斷雷平舊游處五芝無影草
微微

道衍

字正平僧覃次子也父卒于官道衍甫垂髫不克歸
葬因廬墓宦所開元中登文學優贍科進士授四門
博士未幾黜為新城主簿時褚無量為侍郎知其才
言于宰相將徵公為館職被間阻不果轉為湖州司
功叅軍廉平惠愛獄訟簡息民感其惠後棄官歸吳
築室于銅坑山中養母華氏年七十九卒子四沈沔
漂滢俱遷山陰沈子佛生佛生子望俱無考

塗

奎之子也

字子滌乾封元年為司元大夫監察御史與李義甫
有隙義甫欲傾之遂隱居不仕子一承禎

世愚

字道祖綱之次子也天冊中知樞密院事子一萬里
三十六世

非熊

字國佐况之長子也少俊悟一覽成誦及長滑稽好
辨凌轢氣焰子弟為衆所抑困于場屋者四十年會
昌五年諫議大夫陳商放榜武宗素聞非熊名及見

榜無其名恠之詔有司追所試榜降敕及第由是天
下寒畯以上好賢皆勸于為學大中間為盱眙尉歷
諫議大夫後慕父風棄官隱茅山
或傳其得長生術子一在鎔

夢熊

况之次子也况嘗有子極聰穎年十七忽暴亡其子
雖死神冤恍恍惚惚不離其家况悲傷不已因作詩
哭之曰老人苦喪子日暮泣成血老人年七十不作
多時別其子游寬聽之因自誓曰若有輪迴當再生
顧象其子忽一日被人執去一處若府署中有吏坐

堂上斷令託生後况生一子年七歲不能言其无戲
批其頰忽言曰我是爾无何故批我一家驚異隨叙
生前事歷歷不誤因名之曰夢熊為束鹿簿丞子一
師言

如熊

字房英師閔子也性明敏十歲能屬文大中二年舉
人登弟子一在銓

承禎

字體應淦之子也貞元中舉進士為陽武令以寬大

為政民不知勞擢為大司馬參軍少以學術負中外
之望郭子儀李懷光交薦之以為左丞皆不就尋擢
司農卿告老歸遷于淮安之海州乾符三年卒子二
士雅士服

萬里

世愚子也子二公麟隨

三十七世

在鎔

先名清後更名在鎔字公躍非熊子也大中五年舉

進士光啟二年為中書舍人後歷中年宰長于詩其
題光福寺詩曰蒼島孤生白浪中倚天高塔勢翻空
烟凝遠岫列寒翠霜染疎林墮碎紅汀沼或棲彭蠡
鴈樓臺深貯洞庭風六時金磬落何處偏傍葦叢驚
釣翁趙松雪孟頫受其雄麗典切大書之刻石于光
福寺中子一琳

在銓

如熊子也咸通二年以討賊有功擢為驃騎將軍子
三球瑩瑩瑩瑩無考

師言

字思讓夢熊子也善手談為中國神品大中時為翰
林待詔日本國王子夕加囊來朝亦善碁自以技絕
當時齋赤綠玉碁子水晶碁筒軟金碁局親至中國
求一對手云今國東三萬里有集真島島上有凝霞
臺臺上有手談池池中生玉碁子不由制度自然赤
綠圓潤分明隨冬夏為溫涼而水晶中各有一折枝
桃花萼紅葉碧宛如新折軟金生于海外夷堅洲舒
之其色如銀局竟則捲置奩內又產如楸玉玉色類

楸木琢之為局光潔可鑑此皆中國所未有歆以此
驕之上命師言與之對奕師言懼辱君命汗手凝思
方敢下著以一子解兩徃名鎮神頭王子瞪目縮手
度必不勝回顧鴻臚曰待詔第幾手耶鴻臚詭對曰
第三手王子曰願見第一對曰勝得第三得見第二
勝得第二得見第一今欲驟見第一可乎王子掩局
而嘆曰小國之一不如大國之三至今譜中猶傳其
勢上嘉之厚賜之以纁帛擢為翰林承旨光化二年
九十一而卒後無考

士雅

字君詩承禎長子也貞元中為五經博士子一文龍

士服

字君誠承禎次子也長慶三年王庭湊圍牛元翼于
深州士服率兵救之拜為右衛將軍子一雲

公麟

萬里長子也性果驍工騎射通左傳戰國策為折衝
都尉守松江楊行密來侵屢戰却之子二一鸞一鵠
一鵠子無考

隨

字無咎萬里次子也會昌中授掌書記唐武宗奇其
才命為翰林學士後遷承旨進兵部侍郎兼諸道鹽
鐵轉運使卒于潤州葬勾曲山中子公焯遂結廬山
下由是遂居潤州五代時甚蕃衍後唐莊宗時度支
尚書名文者是其裔

三十八世

琳

字伯輝在鎔子也咸通初舉賢良光啟三年為晉陵

宰晚年朱溫篡唐恥食其祿隱居燕巢山中開平三
年卒子懋

球

字蘊成在銓長子也乾符元年為瀘州判朱溫篡唐

理

字君榮在銓季子也天復三年朱全忠進攻鳳翔理
從將軍李茂貞出戰力盡而死子無考

雲

字作霖士服子也徙居池州與諸生肄業九華山文
名籍甚登第後杜門著書起修三朝實錄加虞部員
外郎所著有鳳策聯華編昭亭襟集共五十卷子無
考

文龍

字應揚士雅子也人以其有狂態故稱之為顧生寶
曆中以畫名于世游于諸侯之門人有求其畫者先
以絹數十幅攤置於地乃以墨汁及諸采色各貯一
器使人吹角擊鼓齊聲喊叫文龍乃著綉袂錦纏頭

飲酒半酣繞絹帖走十餘匝取墨汁攤馮絹上次馮
諸色乃以長巾一頭覆于所馮之處使人坐壓已執
巾角而曳之迴環既遍然後以筆隨勢開決為峯巒
島嶼之狀巧出天然人爭致之凱之嘗摹畫曰手揮
五絃易目送飛鴻難以神之不易摹肖也文龍之巧
其得畫之神者矣年八十二而卒子一慈

一鸞

字文鳳公麟長子也子二霄輟
三十九世

五代

懋

字孚忠琳子也周顯德中舉進士開寶中為鎮江節度判官子四行十一節幹十五節幹二十一節幹二十三節幹十五二十一無考

意

字簡可球之長子也長興二年試貢士為都監陞朝奉大夫開寶中致仕歸山中優悠泉石日夕酣暢有鄧尉山集年八十七而終時咸和三年四月九日也

志

子四十七節幹十八求義二十三節幹二十四都統球之次子也開寶中試貢士于講武殿仕至節度使與同寅不協罷歸年八十泛舟虎丘山訪王夫人酒酣憇卧南薰軒卒中風邪次日遂卒塋憇龍山南子一十九節幹後無考

慈

字彥暉文龍子也為東川節度使以字行王建來攻城不屈自刎舉家皆死幼子忻挈母逃歸浚涉萬里

屢瀕危險若有神祐鄉里皆稱為孝感所致

寧

字元方一鸞長子也除工部尚書謚文簡號古靈先生有文集二十卷子一竿

輟

字廷式一鸞次子也幼明敏讀書一覽成誦後梁開平元年明經及第授淮東判官輟素有武畧後為左神武統軍每遇敵輟先衆而登恬無所畏恒以致勝年七十卒子無考

宋

四十世

秀來

字君苗懋之長子也行十一節幹隱居山中孝友篤誠浹于鄉黨子四德彰德安德文德武弘文館學士獨孤文原撰秀來贊曰江淮師閫雲擁貌貅坐判五花筆翰如流則公壯元為江淮帥而老隱于山中者

廷

字公甫懋之四子也行二十三帥幹子一德卓

十七節幹

意之長子唐開寶初由王府翊善薦為審理正以父
死哀毀骨立肥遁虞谷後無考

允受

意之次子也行十八求義子祥為吳越王錢鏐統軍
司戶

二十三節幹

意之三子也雍熙間為團練推官擢殿中侍御史子
一德行

全武

字文豹意之四子也行二十四都統為吳越王錢鏐
武勇都指揮使將兵救嘉興破其三寨還守西陵將
圖董昌乃先取餘姚降其令袁邠遂引兵克昌擒之
先是蘓州告急鏐命全武舍越赴吳全武曰越固賊
之根本奈何垂克而棄之遂取越乃航海至嘉興而
淮兵圍其城甚急全武一鼓破其十八營虜其將士
三千人遂乘勝取蘓拔松江無錫常熟華亭諸郡縣
獨秦裴守崑山不下全武攻之力屈乃降全武因宥

之天復元年楊行密遣李神福攻臨安全武素輕之不為備竟為神福所擒鏐請于行密願遣秦裴而還全武行密乃遣歸之子德芬德芬子潯後無考

忻

慈之子也行十六節幹居于秦州十歲父喪以母錢氏遇變震驚致疾葷辛不入口者十年鷄初鳴具冠帶率妻子詣母室問所欲候寒煖如此者五十年母老目不能視物日夜號泣祈天母目忽明年九十餘無疾而卒子三德敷德聞德施德敷無出德施編管

薊州無考

竿

字仲弓寧之子也淳化中為尚書令後加太傅號半野先生子二崇峰崇子無考

四十一世

德彰

秀來長子也後裔有名聞者今無考

德安

秀來次子也至道中遷居莆田今有居興化者子一

德文 迴

秀來三子也至道二年為成都刺史有仁政子一晉之

德武

秀來四子也後裔有名禮者今無考

德卓

字仲時廷之子也子一漢臯

德行

二十三節幹子也景德間為都部署仕至奉政大夫年六十七卒于官子一良之

德聞

忻次子也至道間武舉登第任為武畧將軍仕至昭義將軍西夏入寇大順城德聞率將趙明與子震之為先鋒戰不勝死于兵刃之下後表其勲績贈為龍虎將軍上獲國子二震之異之震之戰死幼子琅玉七歲而殤

峰

字山甫竽之次子也子一逸
四十二世

晉之

字錫蕃德文子也天聖三年為祕閣校理自五代以來學校廢弛晉之上疏請建以端風化與同郡范仲淹友善教授生徒敦尚風節每論朝廷利害無所顧忌人以此憚之子一珽玉

漢皋

字景魚德卓子也少孤貧性廉直崇信義家雖屢空

未嘗干人端拱元年登進士第初授南寧尉改為廬州僉判催科有法民便之有司陳其事遂定為格尋擢度支歲計充羨乞外郡出佐江陰軍高放自適嘯傲泉石間泊無宦思尋乞致仕歸吳中吟咏酣暢天禧三年起為虞部員外郎不就卒子三瑜玉瓌玉瑱玉瓌玉瑱玉皆為刺史子無考

良之

德行子也隱居尚湖遨遊自適狎鷗聽漁為清曠之士諸縉紳先生莫不隆禮之子一琬玉

巽之

字順義德文次子也大中祥符間為兗州判子二瑤
玉瑤玉

逸

字公驥峰之子也子二瑛方

四十三世

珽玉

字潤甫後但名玉晉之子也為武昌太守參知政事
開國侯王安石撰墓銘曰君瑋玉姓顧氏潤甫其字

也世為吳人裔出陳黃門侍郎顧野王後晉陵君琳
以朱氏篡唐弗食其祿遂隱燕巢山中子懋舉進士
官至鎮江節度判官生十一節幹秀來秀來生德文
德文生晉之是為公考母鄒氏郡國公澣女也公生
于天聖九年六月十有三日幼聰穎讀書過誦不忘
從遊余門好學不倦欣欣焉若菱甲之濡膏雨而端
動之沐化日也學既成客于歐陽公之門相國韓公
見而奇之舉為武昌守甫下車輒展其蘊約繁劇于
簡要民皆便之具有經濟嘗曰為政務在養民養民

莫先于田里田里治則國用足而禮義興三代之道
不是過也由是日施善政邦人懷之居無何忽遘危
疾以逝年四十有六無少長咸奔走號慟徹巷皆哭
春不相杵者彌月焚。然若喪考妣及扶柩歸囊無
一文族人為之歛資以葬卒之日為熙寧九年十一
月十一日妻趙氏子男三曰清曰慎曰勤孫男一名
朝陽為歐陽氏甥明年丁巳三月卜兆于紫微山之
陽清等以葬不可以無誌為他日變遷之防衰經踵
門以請師第之誼有所不忍因為書其槩俾納之幽

喻玉 宮云銘曰才而不壽位而不施于乎玉也天實為之

字抱璞漢皋長子也為會稽太守子一質

琬玉

良之子也子一祥

琮玉

字良甫巽之長子寶元中由太學生擢為延州判時
年五十目昏不能視上疏乞歸田里年九十三而卒
子二嚴敬

瑤玉

字純甫巽之次子也慶曆二年舉巖穴行修之士召為承事郎子三賢高莊賢子鑒高子堅國子生俱無考莊字敬夫無子

瑛

字希元熙寧中授國子祭酒子二獻恕

按瑛乃逸之長子也

方

字正夫逸之次子也徙居丹陽至和二年以進士為象山令下車視事日召民間父老詢民疾苦民有善

者勸之惡者懲之建學舍率子弟之俊秀者教之親為講解使進于德逾年政成士民悅服已而遘疾民為祈禱以千計及卒百姓悲慟相與立祠祀之子無考四十四世

清

字既澄瑛玉長子也慶曆二年為樂平將作監主簿有仁政民懷之少以隊長從狄青屢敗元昊儂智高于河源名聞江淮年五十三卒子一臨廣西宣諭使會淵撰公像贊曰玉琢金追先生之質風虎雲龍先

慎
生之蹟甘雨和羹先生之澤况能以威武而殲泛海
之鯨鯢以公正而薙當道之荆棘故得俾江左之群
黎息餘蔭于南國之棠酒清涕于峴山之石子一臨

字在明珽玉次子也子一鸞

勤

字克先珽玉季子也子一鳳

質

字無文瑜玉子也子一襄

祥

字端甫琬玉之子也子一時敷

嚴

字聞璇琬玉長子也子二蔽取

敬

字莊里琬玉次子也家居昇州淮陽府樂善好義皇
祐初京東大水流民就食昇州者以萬計敬竭帑藏
以給之歡聲若雷有司具表以聞拜為揚州別駕不
就卒子一憲

惠

字伯行瑛之長子也元豐二年授五經博士致仕居鹿城率僮僕耕于馬鞍山之南號莘野先生子一鏗

獻

字仲豫瑛之次子也元豐五年為河北招討使子一

銘

四十五世

臨

字朝陽一字子登清之子也行十五承事熙寧中以

館職修武經要略神宗賜詔褒之元祐中拜天章侍講河北都轉運使後歷刑兵吏三部侍郎紹聖中以龍圖閣學士知定州元符元年三月卒子二沂昕子無考

鸞

字朝和慎之子也行十六承事子三長其言行百七承事次其行行百九承事季七二承事失名七二子彥光無考

鳳

字朝儀勤之子也行十七承事建中靖國元年自燕
巢山徙居光福築別墅于銅坑山中卒塋聚塢今之
雙壽菴即其所建香火院也子二明命明德

襄

字公甫質之子也太學上舍生熙寧九年舉進士調
潤州丹徒都尉元豐五年卒子一植

時敷

字雨化祥之子也子一延德

憲

敬之子也熙寧二年為汴源刺史後以世路未平歸
老子家至高宗建炎初與其子興孫洪扈駕南遷居
崇明鎮之西沙顧殊符卒于紹興三年癸丑時年九
十六歲子一興

葭

字明瑞嚴之長子也行十九大夫元祐丙寅詔舉經
明行修之士仕至大名守與從兄臨同會于蘓東坡
齋中把酒論文對談竟夕因與同歸光福山馮弔先
人之遺迹致祭墓下子二沐滂

取

字明用嚴之次子也不仕以道自樂遍遊吳中諸名山所過尤有題咏子一早夭

鏗

字希聲惠之子也不仕子一福無考

銘

字古心獻之子也子三驊騮

四十六世

沂

字歸聖臨子也行百六承事沂少有聲太學熙寧八年廷試高第除廣德軍教授轉秘書正字出判和州攝郡守事留心撫字務在不擾修剏公宇嘉惠學校人皆稱賢改知龍川益敏于理儲義倉教禮義時旱嘗禱雨郊宿聞哭甚哀問之吏對曰有士人鬻女以償逋者急令召至垂橐代償不責其報秩滿加朝奉大夫遷秘書丞未視事而卒年六十二歲墓在聚塢綉毬由子四四十一承事四十七承事五十承事七十承事

其言

鸞長子也行百七承事元祐中為中書舍人轉九真太守後無考

其行

鸞次子也行百九承事為秘書閣學士後無考

七二承事

鸞三子也子彦先後無考

明命

鳳之長子也行三十五承事子五彦威彦章彦容彦

咸彦恭

明德

鳳之次子也行三十八承事子四四十二承事四四承事五一承事七一承事

植

字樹聲襄子也元符三年舉進士遷尚書右僕射後轉為門下侍郎子無考

延德

時敷子也子一荆

興

字尚谷憲之子也行百八承事性醇謹博涉書史居家以務農力田為先或貿遷南北以治生初徒道安鄉敦睦閭里鄉人德之咸稱長者子彥洪

沐

字歸化菽之長子也行百十承事元符間為五經博士子三彥英彥福彥夫

漉

菽之次子也子二彥秀彥長秀子千六知事後無考

駢

字超甫銘子也宜和中授國子博士教育英才為江南文章宗範子四熙區臣巨

四十七世

四十一承事

沂之長子也子一十二秀

彥成

字子英別號古介居士行四十七承事沂之次子也政和元年為浙東西路漕運都轉運使篤志祖先五

年集英賢紀畧作十八傳呈御覽徽宗御保和殿書
贊以襲之寶謨閣學士喬文琰文林郎秘書省正字
周南俱為之序子二十六秀十七秀

五十承事

沂之三子也子一十八秀

七十承事

沂之四子也子一迪

彦威

明命長子也行二十承事子三小二郎小三郎小十

三郎

彦章

明命二子也行三十四承事子三細一將士小六郎

小八郎

彦容

明命三子也行三十九承事子三小五郎小七郎小

十一秀

彦咸

明命四子也行四十五承事子一道通

彥恭

明命五子也行五十三郎為僧于雙壽菴中以奉先
人祭祀正德中及嘉靖改元因編修陳氏占為已有
顧氏子姓與之爭訟吳中諸縉紳其為不平各有志
慨學士匏菴吳公詩曰堂楣題字在試問意如何晉
代名臣盛吳門舊績多本支看衆木原委究長河不
學陶朱老扁舟姓字謚上柱國守谿王公和曰肯構
顏華扁殫心柰爾何前人遺墨在後胤乞言多揣本
思齊末尋源想溯河宗韜無此見却拜子儀謚大學

士一鵬吳公和曰世澤雖云斬其如返始何孝思情
不淺敦睦意嘗多五嶽各宗岱兩源原共河正猶今
日事誰謂有差謚侍郎後裔鼎臣和曰吾祖祠新構
遠來奠若何歷朝勲德重今日子孫多各葉同由本
殊源共入河昭七家乘在端不有差謚近唐事府錫
疇睹先文康之永愴焉有感亦和詩曰人生不返始
其若本源何漫託雲仍盛翻悲支系多改柯未易葉
後海且先河豈似梁公裔漢臣慮有謚至若尚書邵
公名寶朱公名希周布政朱公名鴻漸御史林公名

符皆有題咏無不憤然後有子孫之賢者力為復之
亦祖宗之幸也

絳

明德長子也號五雲居士行四十二承事子一小十
二秀

四四承事

明德次子也子二小九郎小十四秀

五一承事

明德三子也子一小四秀

仁

字子元明德四子也行七一承事宋紹興中為淮陽
府同知子一小十學諭

荆

字永新延德子也紹興中隱居新安之祁門山究心
河洛宗旨為世大儒仰朱喬年之道範嘗師事之子
二千三教授千四教諭

彥洪

字八紘興子也生于句容長于崇明為河北招撫司

使金陷西河與父興祖憲扈駕南遷居崇明西沙顧
殊符築居藝圃墾田治塗拮据不倦遂以富厚甲于
鄉里親戚故舊及里閭之貧者凡有患難莫不周恤
故里中稱為寬量公子一慶

彥福

字永錫沐之長子也自世祖承禎以來世居海洲之
沐陽彥福年十五遭靖康之變金虜南侵遂散家資
招義兵以衛鄉里康王南渡彥福迎之淮上與從兄
彥洪同扈駕至崇明將由劉家港達武林舟為沙膠

不得進彥福焚香祝天俄有雙巨蝦送潮之異至今
稱蝦港焉路經皂林鎮晦迷失道前阻大河彥福泣
禱崔府君祠黎明泥馬為之前導康王嘉其誠即帝
位特授沿海都統制與彥洪同家崇明顧殊符年七
十三贈副樞密子一寓庸

彥英

字子美沐之次子也行四十三承事為秘書郎轉為
新行國子監承權監都進奏院自海州遷居尚湖好
植蓮藕多至二三百畝每荷香時載酒遊賞者不絕

時人稱爲藕塘顧家年九十一而終時淳熙十五年三月十二日也子二千五迪功千九承務承務公裔孫時以開國功封濟寧侯卒謚襄靖追封滕國公陪葬鍾山子一敬

熙

字時陽驊之子也行十三秀子三蜚融虬融虬無考

四十八世

十二秀

四十一承事子也子一重六秀

禧

字景繁彥成子也行十六秀娶曾氏父祖皆有賢名禧雖受世賞不求祿仕居光福山中閉門讀書著述甚富紹興二十八年郡以遺逸薦不受隱居五十年名重鄉里築別室于毗村表曰漫莊張憲題其居曰何許明人眼松間見古堂泉聲到槩几山影覆繩床愛酒陶元亮聽蛙孔德璋紛紛戰蠻觸立壑信難忘自號癡絕叟與吳興施元之友善博極群典所註蘓子瞻詩猶詳子三淳賓重十

迪

字有文七十承事子也行二十學諭子二重四重五
浙江行省左承鄱陽周伯琦作墓文曰公少岐嶷警
敏潛心鉛槧間動以古人自期年二十四擢乙酉進
士授江西廬陵學諭廬陵者故歐陽公舊治也儒學
淵源俊秀彙征為四方之冠而公更銳意啟誘春盎
臯比士飲膏澤者鴻飛鵠起公喜而嘆曰大道在成
已成物間人不自知耳既而以母老乞骸骨歸日與
壇社諸友逍遙湖山花竹間漫不知人間有艱斷事

足以縈抱也公生于紹興三十二年壬午六月十三
日卒于紹定五年壬辰享年六十有九配郁氏都官
朗中子蕃女也嘉熙改元卜塋于祖塋之次孤哀尚
仁持自述狀徵予銘曰湖山蒼々湖水泱泱茲惟哲
人抱璞以藏化洽廬陵澤滋聚塲型範一時星岳千
古

小三郎

彥威子也子一八四郎

細一將仕

彦章長子也子三八一秀八二秀八三秀

小六郎

彦章次子也子一八八郎

小八郎

彦章三子也子三八五郎八六郎八七郎

小五郎

彦容長子也子二六一秀大二秀

小七郎

彦容次子也子二大三秀大五秀

小十一秀

彦容三子也子三大四郎大七郎大八郎

道通

彦咸子也行干三提督子一克文

小十三秀

絳子也子一仲六秀

小九郎

四四承事長子也子四仲二仲三仲八仲九

小十四秀

四四承事次子也子一仲七

小四秀

五一承事子也子二仲一仲十

小十學諭

仁子也子一仲四

千三教授

荆長子也子萬廿一秀

千四教諭

荆次子也子一萬五七秀

慶

字仲文彦洪子也行四十九秀娶陳氏十娘教子讀

書習禮昂新門閥與人交久愈敬子三伯林伯善伯

紀

千八分司

彦夫子也子一叔義

寓庸

字大中彦福子也以父資授修職郎優悠不仕善丹青猶自矜重不輕示人每寫山水于便面覺咫尺之

內萬里為遙曾于南陵巡捕司舫子卧屏上畫樊川
翁詩意其詩曰南陵水面漫悠々風緊雲繁欲變秋
正是客心孤迥處誰家紅袖倚高樓右不題名而人
不知未甚賞譽後為具眼者竊去乃共歎息子二澈
士起

千五迪功

彥英長子也年八十四而卒子一仲五秀弟千九承
務為濟寧侯派

蜚

字翼之熙子也年十六舉進士遷翰林學士大觀四
年五月三日勅曰禁苑翰墨之司學士清華之任修
飾潤色實資視效于北門獻納論思自可號稱為內
相極一時之妙選為儒者之至榮朕有俊臣宜膺茂
舉爾學士顧蜚器度凝遠資識明敏宏才懿行足以
羽儀本朝大冊高文足以鼓動當世蹈揚禁近被遇
眷知由侍從之通聯摠師儒之要職推行教法茂宣
夙夜之勞作成人材霽集譽髦之士朕心所屬輿論
攸歸魏了翁贊曰儒林儀表國家棟梁風雲翰墨錦

綉文章駕長虹于寥廓聽鳴鳳于高岡子二洽深
四十九世

淳

字初葆禧之長子也行重一秀隆興元年舉秀才事
父母以孝聞構小樓于茂林文杏之間背山面湖朝
夕課讀逍遙于泉石年七十而卒子三昇一祐昇十
一郡馬

賓

字觀光行重二解元禧之次子也翰林學士邪律伯

牙撰墓版曰先生于勾吳文獻世家鼓力于學沉酣
翰墨六經諸子百氏之書靡不究其指趣作文章動
闖先秦兩漢之間與華采煥發若金之在鎔干將藻
鑑隨取隨得而出入將相之才已具于未試之日矣
年弱冠即發省解人皆望其為雲龍霧豹而遽以疾
卒嗚呼惜哉配尤氏貞婉柔麗亦竟歿乎解元歿後
之七月以貞烈稱才節兼耀瑩然為顧氏雙壁尤世
所罕也其猶子公綽與予有同朝之雅因書其墓版
以昭潛德云無子以况子祐為嗣

重四

名尚仁字以克迪之長子也裔百四生大千二千一
生萬一萬一生成字景韶以靖難功封鎮遠侯卒贈
夏國公謚武毅娶穆氏繼彭氏再李氏俱封夏國夫
人子七曰統曰統曰銓曰銳曰勇曰亮曰原世襲侯
爵其九世孫寰管後軍都督府事後管漕運來吳中
致祭野王墓及光福祖先墓作鎮遠先敵以紹祖德

重五

二十學諭次子也子二昇六昇七

八四郎

小三郎之子也子一佐之

八一秀

細一長子也子三德之潤之直之

八二秀

細一次子也子五元四元六民道民康元九

八三秀

細一三子也子無考

八八郎

小六子也子二千二郎十三郎

八五郎

小八郎長子也子一彌堅

八六郎

小八郎次子也子二元十一勝四

六一秀

小五郎長子也子一興一

大二秀

小五郎次子也子一觀郎

大三秀

小七郎長子也子一壽一

大五秀

小七郎次子也子二壽六得七

大四郎

小十一秀長子也子壽二壽八福郎壽七

大七郎

小十一秀次子也子一興郎

大八郎

小十一秀季子也子二壽三壽四

克文

提督子也行大六秀為朝儀大夫子三得郎庇郎光
郎

仲六

小十三秀子也子勝一郎勝三郎昇十郎

仲一秀

小四秀子也子一德一郡馬

仲四

小十學諭子也子無考

萬五七秀

千四子也子三細三十郎

伯林

號青山慶長子也行萬一元配張氏百一娘生一子
名集賢後娶蔡氏百五娘無出公質性明敏植志不
苟田園之外日以壺觴自娛子一集賢

伯善

慶之次子也行萬六徙居崑山東北隅其派未詳

伯紀

慶之季子也行萬七

叔義

分司子也子四壽六壽十二壽十三壽十四

澈

字伯澄大中長子也淳熙五年孝宗親試舉人登進

士授四川宣撫使立綱紀簡軍實以古人之學自期

子然

士起

字文舉大中次子也淳祐元年登進士第官承事郎

宋亡隱居不出生于嘉定之乙亥卒于至元之己卯

年六十有五配王氏生于丙子九月二十六日卒于

大德壬寅四月八日年八十有七子三發德元凱王

氏隨子徙于婁東葬于二十七保郭墩之原淮雲寺

左

仲五

迪功子也子一謙之

洽

蜚長子也子召召字君觀子三輝煥炎輝子宗愷

深

蜚次子也子無考

五十世

昇十一郡馬

諱公綽字元音重一秀之子也紹熙中舉鄉試進士尚維寧公主故稱為伊藩郡馬祭酒李祥深相器重精程氏易傳與彭龜年遊時禁偽學儒者多罹禍獨公綽以后戚得免嘗出鎮四川吳曦反公綽與程夢

錫密謀共討平之進為轉運副使卒于家子一炫

祐

字子祥行昇十郎紹熙中為迪功郎重六秀之子也嗣於重二解元祐子曾字希聲為輔義都尉曾子安安子德卿德卿生伯庸仲庸

佐之

八四子也子一名政行萬十六政生恭後無考

德之

字可成八一長子也行元一為紹興通判子三季一

季二季三

潤之

字可澤八一次子也行元二判官子五福一福二福
三福四福五福三絕福五子小壽一壽五壽五子信
行通一郎為吳縣閭門一派

直之

字可平八一三子也行元三為湖州教授子三亨一
郎徙居長興亨二名世榮子保一保四亨三名存恒
徙居崑山存恒子居無錫

元四秀

八二秀之子也子二壽一壽二元六子福郎福郎生
惟二居無錫元七名民道字惟遵為國子學正子壽
三壽四庶出三子名顯三顯四元八名民康字惟安
登泰定進士子季二郎季二子中四居南京元九子
保郎為貴州一支

千二郎

八八郎子也居華亭千三郎同里支也

勝四

八六子子也元時徙無錫子名中

壽一

大三秀子也子四長一郎一郎生隆二隆三隆二名

全居梅社子二源清源子寶一寶七清子升一升二

升三升八次虎郎子民則行正一解元正一子世達

行安三後無考三郎名庶居梅社庶子寧三寧四寧

六寧七

得七郎

大五秀子也編安祿衛軍後調桂林二仲權仲謨

仲讓

勝一郎

仲六子也子三真一真二真三弟勝三徙居雲南昇

十無考

德一郡馬

仲一秀子也子第十四秀萬十四子必昌巽必昌子

頤字正卿篤志譜牒有譜序

細三十郎

萬五十七秀之子也萬五名權父千四教諭名 鄉

立身以聖賢自期刻意為儒及生權教之學博通
羣典為文章有古作者矩度遭時多蹇避地徽州門
人稱為靖夷後歸葬馬鞍山之陽嗣細三十郎名詩
字二南

集賢

號竹軒伯林子也先娶施氏生文榮後娶朱氏年二
十五娘生一子諱不可考睦宗族和鄉黨拓充先業
歲輸官租數百餘石創屋廬百楹
觀殊符車馬賓
客徃來無虛日焉

然

字雍叔澈之子也紹定二年登王朴榜進士後為青
田簿與郡守張良朋友善薦為諫議大夫立朝有大
臣風範寶祐三年卒子三應珏應操應玉

發

字元越士起之長子也寶祐四年登文天祥榜進士
來亡不仕元配季氏繼娶陸氏子三新大成起震新
仕元為承事郎龍興路錄事娶蔡氏弟元凱娶朱氏
子應天應天子烈

德

號可軒士起之次子也由崇明徙居大倉北郭花步里課耕節用生計頗豐事親極甘旨尤工詞翰母王氏亡親勒墓塋納之壙中讀書酣暢不樂仕進延祐初州遷大倉學廟未建德獻椒園八畝成之時稱范文正獻南園建學後再見于今日其好義類此及卒趙文敏為墓銘娶陳氏子二信榮中

輝

字閣卿召之長子也子宗愷次煥子宗幹炎子宗乾

壽十三

名瑜叔義子也延祐二年登進士第為朝奉大夫

五十一世

十一解元

諱炫字無斐行十一公綽之子也嘉定三年金元犯邊詔舉才藝優贍文武兼濟之士炫以獻策中江寧解元除授鹽城御史時天下紛擾民心搖搖炫沐以膏澤鎮以威重民皆思慕立廟鬱州山春秋祀之至今不廢生于宋光宗紹熙元年庚戌卒于宋理宗淳

祐七年丁未年五十八歲娶平氏塋西磧綉毬山之
陽子一興

文榮

號梅溪集賢子也立身行己以道自持富而好禮拓
充家業前元時海道初開糧餉軍儲不憚勤劬以達
京師生于宋寶慶間卒于前元至大間娶張氏百五
十一娘子一應星張氏生于宋紹定卒于前元大德
信
字善夫德之長子也好古博雅大德以憲省辟薦

歷任平江路崑山州務副使淞江軍提舉因祖
墳在州北門外陳涇橋北始創養之塋若于倘復念
先世在淮效狄梁公望雲私意請于朝賜額淮雲
教寺使族人為僧名了通者守之從吳興趙文敏公
游文敏題寺詩云南雲三十里見者以為奇而况于
淮雲遠被淞水渚其上聳樓觀丹碧何絢麗子孫有
如雲咸能嗣厥事老我作是詩刊之于樂石庶爾保
令名照映滄江邑信工書每得文敏公手筆必鐫之
于石構亭以藏之顏曰墨妙衛培嘗題云宋末事性

理書法悉廢置况復工程文視此等末技豈知古小學書乃在六藝此語非我出得自松雪公松雪學鍾王東南多從風遂令茹筆者馮陸交稱雄善夫愛清賞什襲護真蹟一字弗棄捐得即壽之石要令千載人摩挲同岱嶧為石構斯亭亭以墨妙名衆帖盡道勁盤谷尤晶熒惜無僭耳翁作詩落其成我欲卧碑下朝暮究點畫其次工程之收上窮理學窺語君勿嗤那有揚州鶴嘉靖初江南陶氏得所瘞碑刻二十餘片人爭搨之今藏縣庫中以司之求石

已剝蝕矣精禪理喜施捨今馬鞍山里橋是其所建也晚號樂善處士配錢氏子即令師事了通于寺中為僧人稱為唐湘若休再生寺僧至今祀為伽藍

榮中

字若華德之次子也元朝江淮不通京師世祖從丞相伯顏議置水軍都萬戶府于婁東以通海運延祐間虞棠為都萬戶棠有女閏一娘棠中贅于其家今惠安鄉東西虞涇因姓得名也元復置市舶司于陳

門橋北以致江湖閩粵暨龜茲印度琉球賓屬諸國
之貨官有正副榮中與唐橋張瑄之弟張瑄同任其
職時海商一至則錦帆繡檝雲集河下榮中曲意撫
綏來者忘歸階晉懷遠大將軍佩金虎符子一觀仍
世其職崑山洒安橋是榮中所建亦寓思先世之意
迄今尚存

暨按舊譜稱榮中贅于萬戶吳安配為譚五十八
娘之女及考題名並無口黃潛所撰虞棠墓
銘載元配譚氏女贅榮中而載虞涇一名魚
涇因思吳音呼吳同魚呼魚同
相近故轉展相訛耳
今持擬墓碑正之

應操

字君持然之長子也端平二年二第為朝議大

夫弟應珏嘉熙二年登進一身應玉字君貴淳祐四
年登進士第為朝奉郎一門父子四人俱登仕籍由
是崇明海上家聲赫奕顧氏之宗復一大震應珏子
達善畫山水花鳥兼能寫照應玉子達字兼善工詩
與德輝昆仲遊凡梧竹堂澹香亭春草池諸館榭皆
有題咏
五十二世

興

字思賜行慶五秀炫之子也讀書樂道隱居不仕生
于宋寧宗嘉定九年丙子卒于元大德十一年丁未
享年九十有二元貞元年乙未得郡馬公塚中石函
譜係輯顧氏家乘時年八十矣生平樂善好義有陸
英者以事觸貴戚抵罪變姓名逃山中投思賜遂匿
之憲司索之甚急幾不免以厚賂百計免之事母至
孝每有時食毋未嘗不取必嘗有靈芝生堂下七
年高三尺五寸上生細子若珠非以為瑞及母
卒終身布衣蔬食教子甚嚴篝燈課必至夜分配

王氏合葬西磧山黃公塢之原西磧本自翁始今
有大松一百八株巨者須四人下不饗亭墓有碑

植立碑陰有西磧山圖子一居

應星

號桂堂行茂三文榮子也少讀書長而弗售貿遷南
北家業益饒輸輓軍儲增添糧艘二十餘隻重建祖
居一所新居三所嚴訓子孫尤好施與鼎新東嶽行
宮及崇善堂于朱陶符生于宋淳祐三年癸卯三月
十三日卒于前元廷祐五年戊午八月初五日娶任

氏生于宋寶祐卒于元大德合葬顧殊符洪武間海
潮嚙其址遷葬俞家符高阜之地子四君虎君達君
壽君玉

觀

字孟顥榮中之子也時稱為官一秀宋元時稱秀即
猶今之稱相公也文宗思榮中裕國之功去司副獨
官其子觀以年幼事煩恐我割良田五百畝以
家資之半授姑蘓俠客王子才事觀念雕題
鑿齒爭來獻琛者無游玩之所以慰心思則無以

壯王猷而彰先德乃自劉家河至南興築長堤三
十餘里建懷遠寅賓春雲秋月德十四樓集

四方名姝珠簾秀柱惟玉交枝等貯于樓

下徃來俠客名公及荒徼歸化者飲酒其中笙歌達
旦故海商挾貨而來者爭先恐後每年二月眼花日
則集海商閱寶于頌春館如鴉青猫眼火齊木難珞
球摩竭等寶充牣几席觀親平其價郵致上都今京
師鎮國之寶大半為觀所招徠而雜珎零瑜散于民
間故當日江南之富甲于千古至至正甲辰海寇方

國瑜入劫巨舶名樓付之一炬觀伏劍而死配陸氏
貴一娘與子天佐天佑遜于江陰

深

字名海信子也生不茹葷及長矢志出家父母素事
釋喜而從之即投淮雲寺了通披剃張士誠之屠太
倉也寺亦被燬深念先公遺澤既不可泯况祖堂失
倚子孫誰能識認乃一遊楚蜀潛圖恢復
至宣德改元始募資重建至明而紺樓翠宇
鳥革翬飛如前白珽所述食有堂寢行有廡者

更莊嚴而廓大之按察使彭公春嘉為之作記
今碑石尚在寺中父老相傳向多古玩復有
顧氏世德碑因裔孫法寺僧震恐一夜毀
之惜哉

安

一名文安字定之新之子也致仕歸建吉利庵長齋
繡佛善寫竹盧孺曾題其風竹云筆力鑿伊闕屈折
洪河通六合走雲氣動地號烈風洶湧海波立蜿蜒
騰天龍疾揮出信意逝水無留蹤踞上却鄆步分寸

校程工昔人雖遊藝來者誰與同子一希哲

野幼年覽陳繼儒秘笈云顧安寫竹深得八分書
之法因遍覓不可得崇禎甲戌春遇姜東浦光洵
家偶言及光洵云不知係是君家先世予向藏一
軸乃至正丙戌仲春時筆緣余祖應時娶君家士
起女壽一娘故安為祖姑而寫始知余與君家先
世即為婚姻不止今日四世已也壑急索觀之見
文石枯木新篁三幹挺生其上濃淡遠近各極嫵
娜之致即湖州東坡不是過也壑弟蘭服為光洵
倩因請曰此乃我家舊物向以倩而
獲今以倩而與何如今藏蘭服處

宗愷

輝子也宗愷子聞傳宋末結

元伯顏下江

南聞傳率先欵附世祖嘉之累官御

以總管子孫

因世襲水軍千戶子伯祿伯壽伯祿

元玄德玄子

元佐字士翼至丁巳辰春山賊

元佐討平之

授靖海所千戶弟良

畫山水有趙孟頫

筆意構棲雲軒以待客襲父職經理海運伯壽字眉

予隱居不仕自號玉山處士配陶氏卒塋綽山之陽

子二德輝德華華亭殷奎撰德輝墓銘曰君諱德輝

字仲瑛姓顧氏世為蘇之崑山人蓋四姓之舊也曾

大父宗愷宋武翼郎大父聞傳元衛輝懷孟路總管

父伯壽晦德弗耀號玉山處士母陶氏君幼而警敏

善記誦年十六代父理家事布粟出內家衆不能欺
然輕財喜事以意氣自豪貴卿大夫多與之接鄉曲
譽望逾其諸父矣年三十乃刮剝舊習更折節讀書
崇禮文儒師友之賢者喜購古書名畫三代以來彝
鼎秘玩集錄鑒賞無虛日甫逾四十悉以田業付子
若婿改築園池于舊宅西偏名曰玉山佳處日與客
酌酒賦詩為樂而君笑之頃篇章輒就
恒屈服其坐人傳集萃所友名公
之作如張承旨翥李徵君孝先楊以禎張外史

伯雨而下刻梓者數十家總題草亦邑馬鞍山
有宋劉改之墓子徒所據君人吊酌白有
司復其厲城舉茂材諭力辭不就省臣

重其材亟任以事君皆不屑也母喪廬墓大閱釋氏
書探討其文義久之若有所得焉適淮兵屯吳聞君將
用之乃絕謝塵事營別業于嘉興之合溪漁釣五湖
三泖間自稱金粟道人益已與世相忘矣歲戊申從
其子遷臨濠而卒寔

洪武己酉三月十四日也距其生之歲至前元武宗

庚戌得年六十先是君以子恩封武畧將軍水軍正
千戶飛騎尉錢塘縣男夫人王氏先卒贈錢塘縣君
子男五人元臣前水軍副都萬戶改奉議大夫湖廣
行省理問次元禮元弼元憲元肅女三人長贅陸琦
次適邵適黃孫男五人元臣之子曰詰誤謙元禮之
子曰禧禎元肅之子大本大成孫女六人君生長承
平家富多貲方其年
原巨先杜季良
也及乎晚節迹名自放汗漫江湖

而與之遊又何卓也而時異事殊

有玉山璞藁二

以其喪至自臨濠

自段

吁亦足以

卜以十二月庚午塋君綽墩之壽藏君嘗自為壙志
戒其子以苧衣桐帽襪鞋布襪纏裹入土勿以長物
為身累至是理問復以江陰陸麒所為狀屬奎銘之
石始君北遷時嘗過奎曰吾與子為死別嗚呼孰謂
君果不返耶文雖不腆其奚忍辭乃次而銘之銘曰
四姓望吳粵自古初胤美維君亦名厥家少慕為俠

合新歌永廿

梧竹堂飲陳琴仙詩云

馳騫里閭中始變節黜其豪奢逍遙林泉曠懷自逸
抗志烟霞高謝薦辟咄哉暮年殞命遐遷匪君之愆
其又誰怨綽墩之陽白雲之垠吾寧暫遊茲焉終償
旅魂縹縹來歸自濠其寧永久尚利爾後德華字仲
璿一字晉道與元德輝比屋而居善詩好客構綠陰
亭與賢士嘯歌其中元每有雅集德華必與焉其即
席得草字韻云客從
山好清文引佳
坐有雜
東軒梧桐

酌玄覽窮幽討

英醉眠無芳艸

夕陰于焉成

樹萋萋長新瑯

心浩蕩無留迹

題其小像曰山澤之

寄傲于猿鶴之墟獨行孝悌而彞倫之是重道希賢

丁風雲之會

茲造化

世黃潛

聖而墳典之是娛斯人也蓋將醞龍蠖屈伸于蓬門
之下抱巖廊憂樂于梓澤之區者歟洪武初徙富民
實臨濠德華與元偕行晚年無子側室生女名婉寧
贅婿不二年而寡母歆奪其志女曰豈有事夫而再
嫁者乎淚雨下母不復言居家極盡孝道年五十二

所居為鄰火所燼結小屋居之母尋卒其他歡迎養者女曰生于斯豈有他適有死而已越十日卒時宣德十一年也

自侍郎公野王至此凡二十三世其中行畧有國史所不能盡載而故老相傳習而矜重者先世藏三百年未嘗輕出今輯而存之凡子孫之有事茲編者告成祖廟與

功之餘意倘也

小可補修先報

所賴



